

*Electo orator in Franza.*

Sier Vincenzo Querini el dotor, q. sier Hironimo,

Sier Marco Morexini, fo avochato fiscal, q. sier Polo,

Sier Piero Contarini, fo avochato fiscal, q. sier Zuan Rugier,

Sier Michiel Trivixan, q. sier Andrea,

Sier Francesco Morexini dotor e cavalier, è di Pregadi, q. sier Ruberto,

Sier Nicolò Dolfin, fo di Pregadi, q. sier Marco,

Sier Antonio Condolmer è synico in Cipro, q. sier Luinaro,

Sier Gabriel Emo, q. sier Zuane el cavalier,

Sier Polo Trivixan el cavalier, di sier Baldi-  
sera,

Sier Zuan Trivixan, fo proveditor sopra le Ca-  
mere, q. sier Zuan el cav.

Sier Francesco Capello el cavalier, fo ambassa-  
dor in Franza,

Sier Nicolò Michiel el dotor, fo ai X officii, et  
altri.

*A dì 25.* Fu preso in Pregadi di mandar domino Antonio di Pii, con la compagnia, a Ravena. *Item*, far 2000 provisionati e mandar danari a Ravena per farli. *Item*, scriver al proveditor in armada, mandi 6 galie verso Zara, comenzando le verone: *etiam* verà a disarmar.

La galia fo dil zeneral Pexaro, vene col corpo in Histria, e zonze in questi zorni a Parenzo. Non vol più ritornar in armada, nè dar il corpo fuori, ma disarmar *juxta consuetum*.

Rimase adunca la cura di l'armada a sier Hironimo Contarini q. sier Francesco, solo proveditor di l'armada, et havia in tutto galie numero

In questi zorni vene uno orator di Siena a la Signoria nostra; stete pocho; fo expedito, *nescio* la causa.

*Di Roma.* El corpo dil papa esser venuto bruttissimo, *adeo* non pareva homo ma monstro, et fu però sepolto.

El orator nostro fo di Valentino in palazzo a dolersi di la morte, e scrisse colloqui abuti insieme. Era li con 5 cardinali, e l'castelan di Castel Sant' Anzolo trete a la terra, et acadete certa movesta per le zente di Valentino a le caxe di Orsini, sichè tutta Roma è in romor e su le arme.

*A dì 26.* Parti di questa terra il ducha di Ur-

bin, va a Ravena, poi verso il stato suo, dove è chiamato, e fu servito di la Signoria di ducati 3000.

*Etiam*, andò a Ravena il signor Antonio Maria Ordelapho *olim* signor di Forli; in Camerin vi va el signor Antonio Maria, et è stato novità, perchè quelli non voleno più Valentino.

È il signor di Rimini partito *etiam* lui; e par in ditta terra era do parte, una Chiesa l'altra venetiani, pochi il suo signor. *Etiam* missier Zuan Bentivoy da Bologna à sublevato certo bastardo di Manfredi fo fiol dil signor Galeoto di Faenza, per non vi esser altri: *etiam* fo ditto fiorentini aver corso verso Imola. Et tutte queste cosse fè venir volontà a la Signoria nostra *etiam* loro non star a dormir, ma signorirsi di qualche terra di Romagna tenuta per ditto Valentin; e sopra tutto sier Zorzi Emo savio a terra ferma, havia gran cuor e bon voler.

*Di Milan.* Si have, per lettere di Marco Bevezan secretario nostro, esser stà morto maistro Egidio zeneral di frati minori, da certi frati in camino: *tamen* non fu vero, ma fu una zanza levata. E fo ditto veniva di Franza e in uno bosco esser stà morto. E l're di Franza in questo mezo si ritrovava a Macone.

*Di Hongaria, di sier Zuan Badoer dotor, orator nostro.* Come, a dì 20 avosto, *honorifice* si dovea baptizar la fia nata a la raina primogenita, e però fu preso donarli ducati 1000 di presente.

In questi zorni, lo episcopo di Thioli, legato *olim* di papa Alexandro, havendo habuto lettere di concistorio, fo a la Signoria a ringraziar di le oferte.

Le zente francese è zonte a Siena, vanno in reame. Il campo di Spagna è pur verso Gaeta, et li do oratori di Franza sono pur qui, *videlicet* domino Zuan Lasehari, et domino Accursio Maynieri.

*A dì 26.* Fo Conseio di X, e fo expedito e preso di brusar Alvise di Porto, era scrivan a li Governadori, per sodomia con uno Cesaro da Carpi qual teniva in caxa. Et acusato confesò, e cussi venire sarà brusato. El paciente non confessa.

*Di Roma, di 22.* Come el signor Prospero Colona, con 15 cavali, era intrà in Roma, e il castellan è contento star a ubedientia di li cardinali, et vol 50 provisionati dentro a nome dil concistorio. E li cardinali dicono per più securtà voler in castello far il conclave. Et che a dì 28 dovea zonzer li el cardinal San Piero *in Vincula*, e poi si sererano, fato prima, come fanno, le exequie al papa. El qual *Vincula*, poi la creation di papa Alexandro, più non è stà in Roma, a hora stava a Saona. *Item*, Civita di